

# სსიპ - დავით აღმაშენებლის სახელობის საქართველოს ეროვნული თავდაცვის აკადემია




აკადემიური უმაღლესი საგანმანათლებლო  
პროგრამების აღწერილობა  
(კატალოგი)  
2019

სსიპ დავით აღმაშენებლის სახელობის საქართველოს  
ეროვნული თავდაცვის აკადემია (შემდგომში აკადემია)  
არის სასწავლო უნივერსიტეტის სტატუსის მქონე  
სამხედრო უმაღლესი საგანმანათლებლო  
დანესებულება.

### აკადემიის ხელმძღვანელობა



რეჟისორი  
პოლკოვნიკი მალხაზ მახარაძე



რეჟისორის მოადგილე  
პოლკოვნიკი მამია ბალახაძე



რეჟისორის მოადგილე  
რამაზ კვარაცხელია



ადმინისტრაციის უფროსი  
ვიცა-პოლკოვნიკი  
კონსტანტინე კუტრიაშვილი



სარისხის უზრუნველყოფის  
სამსახურის უფროსი  
ჯიმი კეკელაშვილი



სამეთაურო-სამობო  
კოლეჯის მეთაური  
პოლკოვნიკი მამუკა ევთარაძე

აკადემია განთავსებულია ქ. გორში, კეთილმოწყობილ და თანამედროვე სტანდარტებით აგებულ ბაზაზე, სადაც ყველა პირობაა შექმნილი სწავლის, დასვენების, ფიზიკური წრთობისა და განვითარებისათვის.





### აკადემიის მისიას

წარმოადგენს თავდაცვის ძალების და ქვეყნის ერთგული და ღირსეული სამსახურისთვის უმაღლესი აკადემიური და სამხედრო განათლების, მაღალი ეთიკის, მტკიცე მორალის და ლიდერის თვისებების მქონე ოფიცერთა კორპუსის მომზადება.





## საგანმანათლებლო პროგრამები:

საბაკალავრო საგანმანათლებლო პროგრამები

- მენეჯმენტი
- ინფორმატიკა
- თავდაცვა და უსაფრთხოება

სამაგისტრო საგანმანათლებლო პროგრამა

- თავდაცვის ანალიზი

ქართულ ენაში მომზადების საგანმანათლებლო პროგრამა



## აკადემიაში მოქმედი იუნკერის ცოდნის შეფასების სისტემა

საგანმანათლებლო პროგრამებზე იუნკერთა ცოდნის შეფასება ხდება საქართველოს განათლებისა და მეცნიერების მინისტრის 2007 წლის 5 იანვრის N3 ბრძანების „უმაღლესი საგანმანათლებლო პროგრამების კრედიტებით გაანგარიშების წესის“ შესაბამისად.

იუნკერთა დატვირთვა მოიცავს: ლექციაზე დასწრებას, სამუშაო ჯგუფში მუშაობას, პრაქტიკულ ან ლაბორატორიულ მეცადინეობას; დამოუკიდებელ მეცადინეობას; სავლელ გასვლებს; გამოცდების მომზადება-ჩაბარებას; სასწავლო-სამეცნიერო ნაშრომზე (საკურსო ნაშრომი, მოხსენება კონფერენციაზე, სამეცნიერო წერილი, საპატენტო განაცხადი, სადიპლომო, საბაკალავრო, სამაგისტრო) მუშაობას; სასწავლო-სამეცნიერო ნაშრომის დაცვას და გამოსაქვეყნებლად მომზადებას; სხვა სახის საქმიანობას საგანმანათლებლო პროგრამის სპეციფიკის გათვალისწინებით.



კრედიტის მიღება შესაძლებელია მხოლოდ იუნკერის მიერ სილაბუსით დაგეგმილი სწავლის შედეგების მიღწევის შემდეგ, რაც გამოიხატება შეფასების სისტემით გათვალისწინებული ერთ-ერთი დადებითი შეფასებით.

## შეფასების სისტემა უშვებს:

ხუთი სახის დადებით შეფასებას:

- (A) ფრიადი – შეფასების 91-100 ქულა;
- (B) ძალიან კარგი – მაქსიმალური შეფასების 81-90 ქულა;
- (C) კარგი – მაქსიმალური შეფასების 71-80 ქულა;
- (D) დამაკმაყოფილებელი – მაქსიმალური შეფასების 61-70 ქულა;
- (E) საკმარისი – მაქსიმალური შეფასების 51-60 ქულა.

ორი სახის უარყოფით შეფასებას:

(FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება შედეგების გამოცხადებიდან 5 დღეში;

(F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, ჩაიჭრა. იუნკერის სტატუსის შეწყვეტის საკითხს განიხილავს აკადემიური საბჭო.

იუნკერთა ცოდნის შეფასება ხდება 100-ქულიანი სისტემით.

საბოლოო (შემაჯამებელი) შეფასება მოიცავს შუალედურ და დასკვნით შეფასებებს შეფასების თითოეულ ფორმასა და კომპონენტს შეფასების საერთო ქულიდან (100 ქულა) განსაზღვრული აქვს ხვედრითი წილი. დასკვნითი გამოცდა სავალდებულოა. დასკვნით გამოცდაზე გასვლის უფლება ეძლევა იუნკერს, რომელსაც შუალედური შეფასებებისა და დასკვნითი გამოცდის მაქსიმალური ქულის გათვალისწინებით უგროვდება 51 ქულა.

საბაკალავრო და ქართული ენაში მომზადების საგანმანათლებლო პროგრამების როგორც შუალედური შეფასებების, ასევე დასკვნითი შეფასების მინიმალური კომპეტენციის ზღვარის ხვედრითი წილი განისაზღვრულია 30%-ით.

სამაგისტრო პროგრამების სასწავლო კომპონენტებში შუალედური და დასკვნითი შეფასებებისა და შეფასების კომპონენტების მინიმალური კომპეტენციის ზღვრის ხვედრითი წილია 51%. სამაგისტრო ნაშრომის შეფასების მინიმალური კომპეტენციის ზღვარია 45%.

კონკრეტული სასწავლო კურსის სპეციფიკიდან გამომდინარე, სასწავლო კურსის ხელმძღვანელი უფლებამოსილია სასწავლო კურსის სილაბუსში დაადგინოს მოცემული წესისაგან განსხვავებული მინიმალური კომპეტენციის ხვედრითი წილი. დასკვნითი შეფასების მინიმალური კომპეტენციის ზღვრის ხვედრითი წილი არ უნდა აღემატებოდეს დასკვნითი შეფასების 60%-ს.

შეფასების კომპონენტები და კრიტერიუმები და მინიმალური კომპეტენციის ზღვარი განწერილია სასწავლო კურსების სილაბუსებში.





# სამაგისტრო საგანმანათლებლო პროგრამა

## თავდაცვის ანალიზი



სამაგისტრო საგანმანათლებლო პროგრამა

პროგრამის სახელწოდება: თავდაცვის ანალიზი.

პროგრამის ხელმძღვანელი: ნიკოლოზ სამხარაძე

კრედიტების მოცულობა: 120 ECTS

მისანიჭებელი აკადემიური ხარისხი/კვალიფიკაცია (ქართულად და ინგლისურად): თავდაცვის ანალიზის მაგისტრი – Master in Defence Analysis.

საგანმანათლებლო პროგრამაზე დაშვების წინაპირობა:

პროგრამაზე სწავლის მსურველებს უნდა ჰქონდეთ არანაკლებ ბაკალავრის ან მასთან გათანაბრებული აკადემიური ხარისხი.

სამაგისტრო პროგრამაზე ჩასარიცხად:

- მსურველმა უნდა ჩააბაროს საერთო სამაგისტრო გამოცდა და მისაღები გამოცდა სპეციალობაში (მისაღები გამოცდის თემატიკა უნდა გამოქვეყნდეს აკადემიის ვებგვერდზე მისაღები გამოცდის თარიღამდე ორი კვირით ადრე). საერთო სამაგისტრო გამოცდების გავლის გარეშე მაგისტრანტობის კანდიდატები პროგრამაზე ირიცხებიან მოქმედი კანონმდებლობის შესაბამისად.

- სამხედრო მოსამსახურეები დამატებით აბარებენ სამეთაურო საშტაბო პროგრამის მისაღებ გამოცდას

- კანდიდატებმა უნდა ჩააბარონ ინგლისური ენის გამოცდა (მინიმუმ CEF B2 ან STANAG 2;2;2;2) ან წარმოადგინონ ენის ცოდნის შესაბამისი დონის დამადასტურებელი სერტიფიკატი.

- გაიარონ გასაუბრება (მხოლოდ სამოქალაქო პირებისათვის)

## სამაგისტრო პროგრამაზე მიიღებიან:

1. საქართველოს თავდაცვის სამინისტროს სისტემის ოფიცრები.  
ა) „მაიორი“-ს და „ვიცე-პოლკოვნიკი“-ს სამხედრო წოდებით - რომლებსაც გავლილი აქვთ კაპიტნის საკარიერო კურსი ან მასთან გათანაბრებული სამხედრო განათლების პროგრამა\*, მინიჭებული აქვთ არანაკლებ ბაკალავრის აკადემიური ხარისხი, ზღვრულ ასაკამდე დარჩენილი აქვთ არანაკლებ 5 წლისა, არ აქვთ დამთავრებული სამეთაურო საშტაბო კურსი ან/და მისი უცხოური ექვივალენტი;
2. საქართველოს თავდაცვის სამინისტროს და მის სისტემაში შემავალი საჯარო სამართლის იურიდიული პირების, ასევე საქართველოს შინაგან საქმეთა სამინისტროს, საქართველოს სახელმწიფო უსაფრთხოების სამსახურის, საქართველოს საგარეო საქმეთა სამინისტროს, საქართველოს სახელმწიფო უსაფრთხოებისა და კრიზისების მართვის საბჭოს და საქართველოს ეროვნული უშიშროების საბჭოს წარმომადგენელი სამოქალაქო ან სპეციალური წოდების მქონე (შინაგან საქმეთა სამინისტრო, სახელმწიფო უსაფრთხოების სამსახური) პირები, რომლებსაც გააჩნიათ თავდაცვისა და უსაფრთხოების სფეროში მუშაობის გამოცდილება.
3. სამაგისტრო პროგრამაზე ჩასარიცხი სამხედრო და სამოქალაქო პირების კვოტა არის 15.  
3.1. საქართველოს თავდაცვის სამინისტროს სისტემის ოფიცრები - 8 სამხედრო მოსამსახურე.  
3.2. საქართველოს თავდაცვის სამინისტროს და მის სისტემაში შემავალი საჯარო სამართლის იურიდიული პირების, ასევე საქართველოს შინაგან საქმეთა სამინისტროს, საქართველოს სახელმწიფო უსაფრთხოების სამსახურის, საქართველოს საგარეო საქმეთა სამინისტროს, საქართველოს სახელმწიფო უსაფრთხოებისა და კრიზისების მართვის საბჭოს და საქართველოს ეროვნული უშიშროების საბჭოს წარმომადგენლები - 7 სამოქალაქო ან სპეციალური წოდების მქონე (შინაგან საქმეთა სამინისტრო, სახელმწიფო უსაფრთხოების სამსახური) პირი.

4. სამაგისტრო პროგრამაზე ჩასარიცხად პრიორიტეტი მიენიჭებათ იმ სამხედრო მოსამსახურეებს რომელთაც წარმატებით გადალახეს საგამოცდო მინიმუმი მისაღებ გამოცდებში. თუკი ამგვარი სამხედრო მოსამსახურეების რაოდენობა აღემატება პროგრამისათვის არსებული ადგილების რაოდენობას, მისაღები გამოცდის შედეგების მიხედვით შექმნილი რეიტინგის შესაბამისად, პროგრამაზე ჩაირიცხება უკეთესი მაჩვენებლის მქონე სამხედრო მოსამსახურე.

5. საქართველოს თავდაცვის სამინისტროდან და მის სისტემაში შემავალი საჯარო სამართლის იურიდიული პირებიდან, ასევე საქართველოს შინაგან საქმეთა სამინისტროდან, საქართველოს სახელმწიფო უსაფრთხოების სამსახურიდან, საქართველოს საგარეო საქმეთა სამინისტროდან, საქართველოს სახელმწიფო უსაფრთხოებისა და კრიზისების მართვის საბჭოდან და საქართველოს ეროვნული უშიშროების საბჭოდან წარმოდგენილი კანდიდატები პროგრამაზე ჩაირიცხებიან მისაღები გამოცდების შედეგების საფუძველზე. საგამოცდო მინიმუმის გადალახვის შემთხვევაში პრიორიტეტი ჩაირიცხვაზე მიენიჭება სტრუქტურულ კუთვნილებას (თითოეული სტრუქტურიდან 1 პირი, რათა მიღწეული იქნას მაქსიმალური წარმომადგენლობითი მრავალფეროვნება).

6. რომელიმე სახელმწიფო უწყებიდან კანდიდატის არ არსებობის ან საგამოცდო მინიმუმის ვერ გადალახვის შემთხვევაში მათი კვოტა დაემატება სამხედრო გვარეობებს (მისაღები გამოცდის შედეგების მიხედვით შექმნილი რეიტინგის შესაბამისად, კურსზე ჩაირიცხება უკეთესი მაჩვენებლის მქონე სამხედრო მოსამსახურე).

### შენიშვნა:

\* საქართველოს თავდაცვის მინისტრის 08/05/2014 წლის ნომერ MOD8140000595 ბრძანების თანახმად „ოფიცერთა სამხედრო განთლების კონცეფციის დამტკიცების შესახებ“(მუხლი 12, 3-ე ქვეპუნქტი) ოფიცრებს ვიცე-პოლკოვნიკის სამხედრო წოდებით, რომლებსაც სრულად არა აქვთ გავლილი ოფიცრის ძირითადი სამხედრო განათლების პროგრამები 2017 წლის ჩათვლით ეძლევათ საშუალება მონაწილეობა მიიღონ მისაღებ გამოცდებში და კონკურსის შედეგად ჩაირიცხონ აღნიშნულ პროგრამაზე.



## პროგრამის მიზანი:

თავდაცვის ანალიზის სამაგისტრო საგანმანათლებლო პროგრამის მიზანს წარმოადგენს კვალიფიციური სამხედრო და სამოქალაქო კადრების მომზადება თავდაცვის ანალიზის სპეციალიზაციით

- კურსდამთავრებულებს უნდა შეეძლოთ უპასუხონ საქართველოს თავდაცვის სფეროში არსებულ გამოწვევებს.
- მონაწილეობა მიიღონ სამხედრო პოლიტიკისა და თავდაცვითი სტრატეგიის დახვეწასა და მათ სათანადო განხორციელებაში.
- გამოიყენონ მიღებული განათლება ქვეყნის თავდაცვისუნარიანობის ასამაღლებლად.

## სწავლის შედეგები

საგანმანათლებლო პროგრამის კურსდამთავრებულს აქვს შემდეგი ზოგადი (ტრანსფერული) და დარგობრივი კომპეტენციები:

### ცოდნა და გაცნობიერება:

კურსდამთავრებულები მიიღებენ მრავალმხრივ განათლებას თავდაცვის ანალიზში, სოციალურ და სამხედრო მეცნიერებებში.

### კურსდამთავრებულებს ექნებათ:

- თავდაცვის ანალიზის, კონცეფციებისა და თეორიების ღრმა და სისტემური ცოდნა, რაც მისცემს მათ შესაძლებლობას შეიმუშაონ ან მონაწილეობა მიიღონ ახალი თეორიებისა და კონცეფციების შემუშავების პროცესში.
- მონაცემთა ანალიზისთვის საჭირო მეთოდების ცოდნა; ეცოდინებათ პრობლემის გადაჭრის მეთოდოლოგია, ოპერატიული დიზაინი და ინფორმაციის მართვა.
- თანამედროვე ოპერატიულ გარემოში ეროვნული ძალის ინსტრუმენტების ცოდნა, რაც მისცემთ მათ ახალი ორიგინალური იდეების შემუშავების საშუალებას. ისინი შეძლებენ დასახული ამოცანების შესრულებისა და წამოჭრილი პრობლემების მოგვარებისთვის საჭირო გზების გაცნობიერებას.
- ეროვნული უსაფრთხოების დოკუმენტების ცოდნა და გაცნობიერება, რის საფუძველზეც ისინი შეძლებენ სამხედრო გადანაცვლების პროცესისა და ოპერატიული დიზაინის წარმართვის სწორი მიმართულებების გაცნობიერებას.



კურსდამთავრებულებს შეეძლებათ ნასწავლი მეთოდების შემოქმედებითად გამოყენება. სამაგისტრო პროგრამის წარმატებით დასრულების შემთხვევაში მათ შეეძლებათ:

- საბრძოლო ფუნქციების ინტეგრირება სრული სპექტრის ოპერაციებში
- შესაფერისი მოდელებისა და გადაწყვეტილების მიღების მეთოდების სწორად შერჩევა ეროვნული უსაფრთხოების საკითხების ანალიზისათვის.
- საბრძოლო ძალის ელემენტების კოორდინირება კომპლექსური პრობლემების აღმოსაფხვრელად. დეცენტრალიზებული მართვის პირობებში დამოუკიდებელი და ორიგინალური გადაწყვეტილებების მიღება.
- მონაცემებისა და მტკიცებულებების დამუშავება ეროვნული უსაფრთხოების თვალსაზრისით, რაც უზრუნველყოფს ალტერნატივებს გადაწყვეტილების მიმღები პირებისათვის.
- თავდაცვის პოლიტიკის დაგეგმვაში აქტიური მონაწილეობის მიღება და ამ მიმართულებით კვლევის დამოუკიდებლად ჩატარება. სამხედრო სტრატეგიული ამოცანების მისაღწევად სხვადასხვა ალტერნატივების იდენტიფიცირება და მათი განხორციელების დაგეგმვა;
- უსაფრთხოების საკითხების გადაჭრის მიზნით თეორიული მოდელების შექმნა, გამოცდა და შეფასება.
- თანამედროვე ოპერატიულ გარემოში ეროვნული ძალის ინსტრუმენტების გამოყენება დასახული ამოცანების შესასრულებლად და წამოჭრილი პრობლემების გადასაწყვეტად
- ეროვნული უსაფრთხოების დოკუმენტების საფუძველზე სამხედრო გადაწყვეტილების პროცესის და ოპერატიული დიზაინის სწორი მიმართულებით წარმართვა.

### კურსდამთავრებული შეძლებს:

- ინფორმაციის მართვას და ანალიზს სრული სპექტრის ოპერაციების დროს
- სწრაფად ცვალებად გარემოში, არასრული ინფორმაციული სურათის პირობებშიც კი კრიტიკული აზროვნების საფუძველზე სწორი და ლოგიკურად არგუმენტირებული გადაწყვეტილებების მიღებას
- რეგიონული და საერთაშორისო უსაფრთხოების ასპექტების სიღმისეულ ანალიზს;
- თავდაცვის ანალიზის მიმართულებით მონაცემების თავმოყრას, დახარისხებას და სინთეზს და გადაწყვეტილებების მიღებისას მეორე და მესამე რიგის ეფექტების გათვალისწინებას
- პირველადი ინფორმაციის დამუშავებისა და ანალიზისთვის სტანდარტული და გამორჩეული მეთოდების გამოყენებას; მონაცემთა ანალიზის შედეგად მიღებული საფუძვლიანი დასკვნების ჩამოყალიბებასა და დაცვას;
- პრობლემებისა და კონფლიქტების გამოვლენას თეორიებისა და ინსტრუმენტების გამოყენებით ეროვნული უსაფრთხოების პოლიტიკისა და კანონის გატარების დროს; სამხედრო და პოლიტიკური თეორიების გამოყენებით ამომწურავი ანალიზის ჩატარებას.

მონაცემებთან დაკავშირებით დასკვნების თავმოყრას, გაანალიზებასა და ჩამოყალიბებას სათანადო სისტემებისა და მეთოდების გამოყენებით.



## კომუნიკაციის უნარი

### კურსდამთავრებული შეძლებს:

- რაოდენობრივი და ხარისხობრივი მეთოდების გამოყენებით კვლევის წარმოების დროს იდეების, ინფორმაციის, მონაცემებისა და თეორიების სინთეზს. ექსპერტებისა და თავდაცვის ანალიზით დაინტერესებული პირებისთვის საკუთარი კვლევის შედეგების ლოგიკურ, სტრუქტურირებულ და თანამიმდევრულ გადაცემას როგორც წერილობითი, ისე ზეპირი ფორმით ქართულ და ინგლისურ ენებზე;

- დეტალური წერილობითი მოხსენებებისა და რეკომენდაციების მომზადებას, რომლებიც უკავშირდება თავდაცვის ანალიზის, პოლიტიკას და უსაფრთხოების საკითხებს. პრობლემის გადაჭრის გზების დასახვას; თავდაცვის ანალიზით დაინტერესებული პირებისა და ამ მიმართულებით მომუშავე ექსპერტებისთვის, ასევე სამთავრობო და არასამთავრობო ორგანიზაციებისთვის კვალიფიციური ინფორმაციის მიწოდებას, მათ შორის, კომუნიკაციის უახლესი საშუალებების გამოყენებით;

- თავდაცვის ანალიზისა და ეროვნული თავდაცვის პოლიტიკის ძირითადი პრინციპების არგუმენტირებულად განხილვას; რეკომენდაციების გასაცემად და მათ სისწორეში დასარწმუნებლად ინფორმაციული და საკომუნიკაციო ტექნოლოგიების შემოქმედებითად გამოყენებას;

- პროფესიული და ანალიტიკური საკითხების შესახებ დეტალური წერილობითი მოხსენების მომზადებას, თავდაცვისა და უსაფრთხოების საკითხებზე დებატების დროს საკუთარი პოზიციის დამაჭერებლად ფორმულირებას და არგუმენტირებულ დაცვას.

## სწავლის უნარი

### კურსდამთავრებული შეძლებს:

- სწავლის პროცესის თანამიმდევრულად წარმართვას და შემდგომი სასწავლო მოთხოვნების დამოუკიდებლად განსაზღვრას;

- საკუთარი ცოდნის განვითარების სტრატეგიის შემუშავებას; სწავლის პროცესში კონკრეტული ნაკლოვანებების განსაზღვრას და მათ აღმოსაფხვრელად ინდივიდუალური სამოქმედო გეგმის მომზადებას.



## ღირებულებები

კურსდამთავრებული შეძლებს:

- პროფესიული საქმიანობის დაგეგმვას პიროვნული თვისებების (აკურატულობა, პუნქტუალობა, მიუკერძოებლობა, გამჭვირვალობა და ა.შ.) საფუძველზე;
- ქვეყნის ინტერესების სამსახურში დგომას მიღებული ცოდნისა და გამოცდილების გაზიარების საშუალებით;
- სხვისი აზრის პატივისცემას დებატებში მონაწილეობისას;
- ზოგადი ადამიანური ღირებულებების განსაზღვრასა და გაანალიზებას, სხვადასხვა კულტურისა და რელიგიის პატივისცემას, გლობალიზაციის ახალი ეპოქისთვის დამახასიათებელი ღირებულებების ჩამოყალიბებაში მონაწილეობის მიღებას;
- ღირებულებების მიმართ საკუთარი დასხვისი დამოკიდებულებების შეფასებას და ახალი ღირებულებების დამკვიდრებაში წვლილის შეტანას.

## დასაქმების სფერო:

საქართველოს თავდაცვის სამინისტრო არის ეთა-ს აკადემიური პროგრამების დამკვეთი და ეთა-ს კურსდამთავრებულთა ძირითადი დამსაქმებელი.

კურსდამთავრებულები დასაქმდებიან სტრატეგიულ პოლიტიკურ სფეროში, მრჩეველთა პოზიციებზე, თავდაცვის სამინისტროსა და საგარეო საქმეთა სამინისტროს გადაწყვეტილების მიღების მხარდამჭერ ეროვნულ ორგანიზაციებსა და სხვა სამთავრობო დეპარტამენტებში, რომლებსაც სჭირდებათ ექსპერტული ცოდნა სამხედრო სტრუქტურებთან, მიზნებთან და თავდაცვის მიმართულებასთან დაკავშირებით და თავდაცვასა და უსაფრთხოებასთან დაკავშირებულ სხვა დანესებულებებში. სამხედრო სექტორთან ერთად, კურსდამთავრებულებს შეუძლიათ დასაქმდნენ სამოქალაქო სექტორშიც: სახელმწიფო და კერძო ორგანიზაციებში, რომელიც სპეციალიზირებულია მიმართულებების დადგენასა და განხორციელებაში: თავდაცვის უსაფრთხოების საკითხებში, კონტრტერორისტულ პოლიტიკაში და სხვა. კურსდამთავრებულებს შეეძლებათ ეროვნული თავდაცვის საკითხების, თავდაცვის უსაფრთხოების კვლევებისა და პოლიტიკური კვლევების განხორციელებაში მონაწილეობა და იმ ძირითად სფეროებში მუშაობა, სადაც ორიენტაცია ადებულია ეროვნულ უსაფრთხოებაზე, უსაფრთხოებისა და თავდაცვის მიმართულების ჩამოყალიბებასა და განხორციელებაზე.

სწავლის გაგრძელების საშუალება:

სწავლის გაგრძელება შესაძლებელია უმაღლესი აკადემიური განათლების მესამე საფეხურზე - დოქტორანტურაში, როგორც საქართველოში, ისე – საზღვარგარეთ.

## საკონტაქტო ინფორმაცია

ტელეფონები:

(+995) 577 39 01 94; (+995 032) 2 30 52 85

ელ-ფოსტა:

nda@mod.gov.ge

ვებგვერდი:

www.eta.edu.ge

Facebook: <https://www.facebook.com/eta.edu.ge>

Youtube: <http://www.youtube.com/c/ETAGeorgia>



ეროვნული თავდაცვის აკადემია  
2019